



VÍA MARIANA LUSO GALAICA. ACORDO DE MELGAÇO

A Vía Mariana Luso Galaica, que une os antigos santuarios de devoción mariana entre Braga e Muxía, constitúe un itinerario cultural e natural de primeira orde europeo que recoñecemos como un legado da historia que recolle o inmenso patrimonio cultural, etnográfico e natural no territorio histórico da antiga Gallaecia. A espiritualidade do noso pobo e a súa devoción mariana deixou un rastro que pervive na actualidade e transmite uns valores que xamáis se perderon. Nesa orde, a unión dos camiños de devoción aos nosos santuarios, unidos nun único itinerario que os une e hermana e que demos en chamar Vía Mariana Luso Galaica, acolle xa a peregrinos e peregrinas de toda Europa que se achegan as nosas aldeas, pobos e cidades, nun intercambio cultural, social, turístico e devocional que está comezando a dar vida e axudando a un mellor futuro ás nosas sociedades rurais.

Como as contas dun vello rosario (os Santuarios), o fio que os une, é dicir a propia Vía, articula un mundo rural e con él un patrimonio material e inmaterial tan importante como a maior das catedrais que temos o deber de legar a futuras xeracións, tanto por respecto ao mesmo como para un desenvolvemento sustentable, económico e social que colabore co futuro das personas que o habitan. Dar vida ao noso rural a través da cultura, das nosas tradicións, do coñecemento e do encontro fraterno co resto dos pobos de Europa será a nosa maior contribución ao seu progreso e autoestima.

É por todo isto que os presidentes de Cámaras municipais, alcaldes, autoridades e representantes de institucións presentes e a Asociación Vía Mariana Luso Galaica, reunidos e hermanados en Melgaço

ACORDAN, no día de hoxe :

- A promoción e divulgación da Vía con todos os seus valores ante todas as instancias posibles, nacionais e internacionais, e a contribución e axuda para a súa inclusión na lista de Itinerarios Culturales Europeos do Consello de Europa. No mesmo senso, procurarase a colaboración en toda sorte de actividades culturais que incentiven o coñecemento da Vía Mariana.



- O compromiso de axuda e favorecemento da acollida ao peregrino en tránsito, tanto se trate de instalacións municipais, parroquiais, veciñais ou privadas. A hospitalidade é sinal distintiva de todos os itinerarios de peregrinación e o peregrino é o noso maior activo e, dende logo, o noso mellor embaixador.

- Respetar e facer respetar o patrimonio material e natural vinculado ao itinerario.

- A axuda e colaboración, na medida do posible, ao mantemento físico e sinalización da ruta para o tránsito libre e seguro das persoas.

En Melgaço, a 30 de marzo de 2023